

王子文大庾人性好義淳祐四年大饑時潮贛皆不靖前五六年戊將熊喬部下僧倡亂子文憂庾康民心惶惑竭廩賑贍兩邑民列狀上知軍王嘉禮體覈如狀得旌子文力辭乃官其子燮

張季和上猶人咸淳間割股救父郡守趙孟適作詩美之

蔡恢字汝大南康人事父祥卿菽水盡歡睦於兄弟至老無間至大戊申郡長燕只不花厚禮之疏於朝命未下卒年九十有八

明